

ficata & illud, sub aliquo robustiori ac majori aliud quippiam infirmius ac minus collocare. Unde sane & dotis hypobolum nominatur. Cum ergo in contrahendo matrimonio utrinque de hypobolo conventum fuerit, ut in restituenda dote adjiciatur, & tantum hypobolum redditur pro pacto convento hypobolum. Sin hoc pratermissum fuerit, neque ulla de eo pactio interposita, tum ab eo, qui dotem reddit, postulatur, ut hypoboli nomine trientem universae summae, in quam dos redacta sit, praestet, verbi gratia, si unius librae dos fuerit, pro hypobolo triens librae persolvetur, utpote XXIV. nummi. Atque hoc quidem apud recentiores in hodiernum usque diem obtinuit; Caterum apud Veteres hypobolum ad dimidiam dotem computabatur Idemque duabus Novellis Leonis, loco eodem subjectis, demonstratur.

Th. VIII.

Atque hic augmentandi dotes mulierum modus etiam apud alias gentes receptus apparet. Siquidem de moribus Francicis & praecipue Tholosanorum testatur Cujacius Lib. V. Observat. Cap. 4. verb. Græci hypoboli loco alias reddidere dimidiam, alias tertiam, nisi aliud conventum fuisset. Moribus Tholosanorum redditur hodie dimidia. Juxta Praxin Germaniæ hodiernam occurrit hoc Lucrum sive augmentum dotis in Pomerania & Neomarchia, atque etiam in Patria mea Ducatu Mecklenburgico in viridi adhuc est observantia. De jure Pomeranico testatur Constitutio von Lehn- und Aussteuer-Sachen de Anno 1649. tit. 7. §. 7. & Mevius Part. II. Dec. 224. it. 228. De Consuetudine Neomarchica asserit Stryk. de Success. ab int. Diss. IV. C. 2. §. 20. Sigillatim vero de Ducatu Megapolitano notat Cothmann. Vol. I. Conf. 50. num. 9. & imprimis Tarnov. de Feud. Mecklenburg. Part. I. Cap. 3. Sect. 2. §. 30. & seqq. ubi num. 30. adducit Ordinationem nostram Provinciale[m] de hoc Lucro dotis sequentibus verbis disponentem sub rubrica: Von Erbschaften, und wie ei-

*Mos talis etiam aliis gentibus fuit usitatus.*

ner